





Inches
Centimetres
TIFFEN Color Control Patches
© The Tiffen Company, 2007



吉安府志卷十四

秩官志

永豐安福龍泉萬安永新
永寧六縣名宦 武動附

永豐縣名宦



宋段

縫

趙訓之

魯

熊彥明

李

諤

趙伯愆

鄧

顛

魏希文

元佟

復

何仲温

嚴

顯

王

諫

周誠甫

明劉

沂

蔡

玘

沈惟慶

劉冲霄

陳雅言

趙季通

凌友亮

李

岫

黃永從

朱曦

王

昂

車

梁

王孝忠

朱璉

俞元直

商大節

黃齊賢

張

言

陳瓚

胡

淳

梅繼儒

伯從周

郭朝東

吉安府志

卷十四

秩官志

吳祐 張宗周 貢安國 陳尚伊 楊養和

馮應鳳 吳期炤 金士衡 瞿式耜 李廣崇

劉綿祚 陸運昌

國朝 王際有 儲曾 鄧秉恒 馮肇楠 李徵泰

高可極 魏繼標 李巽臣 鄭啟 王坦

趙憲清 江伍圖 黨兆熊 張德馨 李咸一

李中孚 李金臺 陳徵芝 畢光榮 馮詢

林燕典 賀恩霈

安福縣名宦

漢 劉陵 吳礪

唐 楊彥伯

宋 林積 黃中庸趙師 李康成 韓邦光 彭龜年

李謙 彭忠泰

元 王德貞 謝良仲 解子元 熊提領 張集

明 姜明 潘樞 侯志健 潘景岳 孫鐸

鄺子輔 王昇 王枕 趙傲 何澄

莊典 李如圭 周廷徵 吳景 孫懋

程文德 李一瀚 孫良弼 楊仲金 朱勳

陳惟直 胡濬 王鳴鳳 閔世翔 吳應明

楊廷筠 夏九鼎 陳保泰 李樹敏 高資明

陳曷虞

國朝 趙世猷 蕭恒 袁時泰 焦榮 張召南

吉安府志

卷十四

名宦志

二

梁學源 趙世功 李克廣 鄧霽 廖葵
朱 俛

龍泉縣名宦

南唐 李孟俊

宋何嗣昌 陸若濟 王 釋 黃大臨 陳秉文

趙迪之 王 徽 李 準 蘇 欽 楊 亮

劉昌士 胡敦詩 張大經 夏穎達 范德念

趙 荆 范德勤 黃 榮 趙善稼 景 時

楊太異 郭應祥 李大訓 劉必端 王 濤

何萬選 熊大經 陳 昇 辛 應 何安世

元彭繼炎 胡可詩伯顏胡定 劉 鼎

明高德賢 張時勉 謝子木 吳 瓌 孫 誠

陳 義 方 玘 高 嵩 姜學夔 歐 禮

翁 溥 張嘉興 陳八元 徐士登 王建和

王揚金 宋運昌 劉汝諤

國朝 薛世瑞 石 曜 趙嗣抃 盧夔龍 趙世麟

黃宏任 王 卓 董希聖 杜一鴻 李培緒

楊振綱 林懋勳

萬安縣名宦

宋許 浹 李唐傑 趙成之 張澹古 邵時卿

張允升 劉清之 吳從固 黃 東 趙師道

鮑粹然 黃炳

明張嗣先 馮勝 趙彥剛 萬鵬舉 劉燦

唐 秦黃須 杜愷 陶俊 張敬禮

袁士鳳 黃宏 周衝 桑翹 王冕

劉坤 王吉 王慎德 譚希思 申芝芳

梁于涘 李如湧 胡樞 譚忠義

國朝 史象晉 李延 李如湧 胡樞 譚忠義

馬之驊 黃圖昌 唐開道

永新縣名宦

唐賀憑

南唐 周彬 董衢 李元清 陳省躬

宋張岐 史應用 元絳 李先 侯彭老

孫億 郭奉世 周穎 趙不愆 牛宏

張象先 施興祖 尹躬 王師道 周嗣武

邵朴 王輝 黃希 柴必勝 丁南金

張繼阮 范應鈴 張洽 陳滌 梅杞

劉炎

元楊景行 張奇 完顏瑋 陳質 李春

趙大訥 陳汴 曹裕 諭立

明田盛 烏斯道 於仲寬 賀守約 鄧經

陳元韜 施得中 徐輔 薛驥 李愷

馬崑 曹謙 梅春 宋佳 謝表

柯相 胡偉 陸燦 沈珠 趙錫

陶益 龔錫爵 余懋衡 陳三謨 薛敷教

陳三省 陳圭 周夢尹 沈維堡 管正傳

閔及申 黃受封

國朝黎士宏 盧傳 何屬乾 張士琦 張遇

黃述灝 史榮 蔡學灝 徐可是 朱懷杖

陸調元 黎芝 程尚賢 陳德禹 王章

武穆瀄 黃汝梅

永寧縣名宦

明蕭文斌 潘瑾 蔡然 趙汝宜 費廣

周倫 馬鉦 謝圭 方坤 陶曆

吳邦祐 陸時雍 梁爵 吳鉞 李鳳

王鑛 張烈 朱昌 童世芳 李養棟

黃一楨 張應徵 徐繼芳 張紀 伍鳳章

丁學植 陸起龍 鍾鳴時 謝君賜

國朝王化行 鄒惟瓚 齊贊宸 閔士樟 趙國臣

倪德基 莊梯雲 楊顯宗 涂國屏 陳欲達

朱家印 張洽 戴振河 李允芳 嚴順

任倫備 熊學麟 馮元韶 王緒俊 吳詒灃

孫承祖 王青熙

武勳附

吉安自明以來立營止千戶百戶所萬戶則暫立耳至國朝立五營有參將一都司四武備整肅今攷其武勳著者照朝代編次附傳

宋程層益子宣附

元馬致遠

明俞茂梁學王業陳瑄張興

蔣興劉淵王莊王應鵬趙雲

國朝齊登科康共鄧雄黃成章李明

陳平顏斌王師槐解鳴鹿李顯祖

柏英

永豐名宦

宋

段縫至和初析恩江鎮為縣縫始來令辟土立解規制治

所有建縣治記盧志

趙訓之字誨道政和二年進士建炎三年知永豐孟太后

避地虔州護衛統制杜彥與其麾下叛後軍楊世雄繼

之將犯永豐訓之與尉陳自仁簡兵分為二一取間道

繞賊後一據地利匿其精兵以誘賊賊至伏發殲其眾

會賊別校繼至官軍未成列訓之率數十輩拒戰與自

仁俱遇害事聞贈訓之朝散郎直秘閣諡忠果自仁贈

通直郎官其子邑人為立祠宋史案本傳附宋史忠

間有刪節且於訓之添入官

熊彥明樂平人建炎三年知永豐紹興二年賊寇謝小兒

等哨聚破撫之崇仁乘勢來侵彥明率民兵出境擊之

勢不敵力戰而死民立像祀焉

李諤字正臣南康人紹興五年知永豐民有好訟者委曲
開諭使之徐化耆老至庭反復諮詢備悉五鄉利病是
冬虔賊張平頭率眾千人犯境諤討平之殺張平頭於
遇源六年虔賊大小玉引眾數千掠吉水將及境諤破
賊於吉水桑村自是寇不敢近民生祠之八年賊鄒慈
一據興平往來寇隣境諤縱反間誘縛慈一并部其黨
九年賊曾李世廣計窮來降諤復生變諤以計擒戮之
帥上其功於朝會以母喪去

趙伯愆紹興間為永豐縣丞與知縣李諤協力禦寇保全
四境與諤並繪像於思賢堂

鄧顛字晉卿紹興間為永豐令蒞治之初視學宮草創未

備增建講堂併東西廡廡署建靜安堂顛為治尚安靜

與民休息不愧堂名民懷其德

魏希文字彥彬開封人乾道初任永豐縣深懲積弊催科

有程支費有節創倉廩修驛舍葺城堡百度一新以

元

嚴顯字遷逸文陽人至元初任永豐政尚簡易民懷其德

在任五年卒於官子孫遂家於縣之西坪案嚴顯舊志
秩官表作達

魯花赤此傳又
作令必有一誤

佟復字亨甫任永豐愛民恤物勤於政治興修積善普濟

等橋又經始濟川橋行不病涉優於文學所至皆有題

詠擢湖州路總管

何仲温字良臣真定人任永豐縣置由帖以覈賦稅驗糧籍以正差徭革吏卒盤踞定茶酒稅課勸農興學成濟川橋葺養濟院劉岳申為作棠陰碑備述其事

王諫汴梁人至正間為永豐令先是役有祇候至四五百人吏有帖寫至一二百人凡刑獄科差悉出其手蠹政害民甚苦之諫至盡革其弊卒於官百姓立廟於學宮祀焉

周誠甫逸其名至正間羣盜縱橫馬致遠奉檄領兵控制安福永新之衝時誠甫以佐州長收復城池功擢巡檢誠甫少年善騎射膽氣過人一日戰汶西石門寇曾挺刃突出誠甫引弓仆之而前仆者奮起擊馬後誠甫

回轡斬首躍馬復進手斃十餘人追奔數里寇披靡不能支比還甲裳皆赤致遠曰壯哉良將也自是每出必俱賊望旗引避事聞監郡辟永豐縣尉誠甫從容矢石間恒以少擊眾幾死者數終不少貶然開口談詩又粹然退讓君子也事逸不知其所終

採周霆震序以上盧志

明

劉沂字文仲山東人太祖吳元年權知永豐時樂安賊曾英叔侵境沂率義兵禦之民賴以安次年以代去

蔡祀安慶人吳二年知永豐縣時兵燹後創廨宇舉廢墜勸農修學政令一新在任九年以清廉愛民著後官廣東卒於任妻子扶柩至吉水永豐士民挽柩至縣葬焉

子孫遂家永豐

沈惟慶洪武十二年令永豐施政臨民務簡便不紛擾民甚德之

劉冲霄洪武十五年知永豐為政寬猛相濟興學校勸農桑遠邇翕然向化

陳雅言本縣人洪武間為永豐訓導興起文教見本縣儒業傳

趙季通天台人洪武末為永豐令廉以律身寬以臨民勸民興學革奸弊均徭役民懷其德後陞任國子司業

凌友亮漢川人建文三年知永豐時賊丁春保聚眾劫掠友亮以計擒之五鄉之民咸賴以安

以上
盧志

李岫字景瞻高郵人正統初令永豐剛介嚴明鋤擊豪右法無少貸勸富民出穀數萬斛以備賑濟有不便者以私誣之去縣民涕泣哀訴請藩臬交章白其事得復職

通志

黃永從邵武人正統間知永豐寬和愛民興修廢墜清庶獄省徭役百姓乂安修學廟新恩江橋解宇公館祠廟亭樓街道以次葺治士民稱頌

朱曦浙江人正統間任永豐縣丞為政簡明慈恕民感其德知縣黃永從修學宮葺恩江橋及各繕治皆曦贊襄

以上
盧志

王昂字抑之揭陽人宏治間知永豐縣持廉秉公悉心化

導民有兄弟爭訟者將入庭轉念不訟而去民俗初喪多椎牛醞酒以速弔客貧者稱貸舉行昂導以禮教民俗少變毀淫祠增社學凡事關風化者為之恐後縣人稱賢令必曰揭陽公通志案舊志職官表作成化十二年任此傳作宏治間任互異存疑

車梁石州人宏治間知永豐縣廉明果決重學校舉廢墜時有虎患齋戒為文檄城隍神虎患竟息

王孝忠南充人宏治間令永豐性端嚴人不敢干以私博學好古以經術飾吏事縣治肅清以不阿上官託疾去

朱璉湖廣桃源人正德三年令永豐一心愛民撫摩鞠育無微不至後罷去百姓號泣送之以上盧志

唐侃字廷直丹徒人正德八年授永豐知縣蒞任不攜妻

子獨與一二童僕飯蔬豆羹以居吏民信服俗刁訟尚鬼尤好俳優侃禁止之進武定知州遷刑部主事通志

志案云知縣唐侃永豐志及舊府志皆載其名今查白志增入又白志云皇明世法錄郡縣名臣傳載侃在永豐立木牌二面於庭左曰從刑右曰從化令曰從理者左欲和者右久之民多立於右以求解言或當於理雖賤吏必改容謝無理雖權貴百方請說終無所假借以是告許之俗為之一變今案白志本傳作正德八年舉於鄉盧志本傳及職官表作正德八年授永豐知縣尚當存疑

俞元直字木卿浙江上虞人正德間為永豐縣訓導資性篤厚制行嚴潔學舍圯捐俸新之有司非公不接見於

弟子請業雖卧病必力起見之商大節湖廣安陸人進士嘉靖初知永豐御士民以恩懲

奸宄以法創建城池剪除劇寇立義倉練鄉兵一切廢墜悉興之官至都御史

黃齊賢字汝思浙江餘姚人嘉靖進士知永豐明敏練達剔蠹祛奸吏不敢玩其法入不敢干以私政尚嚴明心存撫字蒞任三年以內召去

張言桂林人嘉靖進士知永豐縣行敦古處志不外求建立社學裁革冗費縣人以賢令稱

陳瓚常熟人嘉靖進士知永豐興學禮士每朔望行香畢必進諸生講論經義治尚恬靜以教化為本值閩廣流寇猖獗所過縱屠戮瓚聞變籌畫方畧戰守有備寇薄城下相拒七日散去縣賴保全未幾內擢給事中官至

刑部侍郎

胡濬字原荆無錫人進士嘉靖間令永豐諳練吏治遇事迎刃而解振興學校每月輟政二日課士於明倫堂治

縣僅九月以內艱去縣人刻去思記於石

又見安福名宦

梅繼儒宣城人嘉靖間任永豐丞勞心勤民折節禮士學宮向乖方縣人謀正不得時令長入覲繼儒身任其事數月間廟學一新

伯從周雲南人為永豐縣丞狷介卓立愛民重士修理學宮先師龕主自捐俸製造寢疾妻割股療之竟卒於官

郭朝東湖廣人嘉靖間為永豐主簿不以閒曹自菲薄臨民尚感化不妄鞭扑刻犯上律令使百姓知所警惕分

給鄉耆宣講

黃佳福建莆田人嘉靖間爲永豐教諭端方嚴肅課諸生寒暑不輟上官重其品望徵主白鹿洞教事尋陞國子助教

吳祐福建人嘉靖間爲永豐教諭操履方正教人爲學根本孝弟於孤寒士尤加振拔以內艱去

張宗周浙江慈谿人嘉靖間任永豐訓導活靜方正狷介縝密誨諸生自朝至夕無倦容生平嗜好經史之外泊如也後卒於任囊無餘貲縣士斂賻以歸其櫬

貢安國宣城人嘉靖末任永豐訓導宗朱子之學以身體力行爲本嘗講學洪都掌白鹿洞教事

陳尚伊字任菴桂陽人隆慶進士爲永豐令寬簡樂易勤慎廉明造就諸生歷久不怠恩江橋圯力任修復擢主事去民繪像祀之

楊養和浙江德清人隆慶間任永豐訓導廉介自持外事一無所與終日杜門與諸生尚論古人如坐光風霽月中久而忘倦

馮應鳳字鳴暘浙江山陰人萬歷進士知永豐縣移建學宮造就士子上流橫溢壞民舍築隄禦之水不爲患舊囷倉離城稍遠遷建學旁盜賊屯聚村落以計除之鄉無盜警

吳期炤字開源德清人萬歷進士任永豐知縣振興文教

惠愛閭閻又纂修縣志學宮及恩江橋並加繕治

金士衡字崑源長洲人萬歷進士知永豐縣重士愛民馭

下嚴肅民俗和樂治行稱最

以上盧志

瞿式耜字起田常熟人萬歷四十四年進士知永豐政尚

寬仁捐貲建尊經閣三元堂修復恩江書院嘗署吉水

縣亦多善政天啟元年調江陵永豐民乞留命再任以

憂歸崇禎元年擢結事中累官文淵閣大學士

參明史通志

李廣崇平江人萬歷間任永豐教諭性敏嗜學手不釋卷

與諸生語講經史並及諸儒格言皆切中學者流弊以

疾致仕去

盧志

劉綿祚字季延武進人崇禎四年進士知永豐鄰境九蓮

山界閩粵賊窟其中綿祚請會勦賊怒率眾來攻綿祚

出擊三戰三捷賊益大至綿祚伏兵黃牛峒大破之積

勞得疾請告歸卒

明史附見劉熙祚傳

陸運昌字夢鶴浙江錢塘人崇禎進士除永豐令悉心民

瘼請免積逋數萬調吉水兩縣並祀之

盧志

國朝

王際有字書年江南丹徒人順治進士除永豐令時縣初

定際有撫綏黎庶民安其居雅意作人士勤其業在任

三年以憂去

盧志

儲曾字觀我宜興人進士順治八年知永豐縣兵燹後學

宮久圯曾至卽捐俸增修時縣境多盜曾擒渠首誅之

盜悉平兵有奪民財者寘諸獄自是驕兵斂跡明靖難魏冕子孫隸戍伍曾搜舊牒除其籍尋以民連糧免官越一年奉檄來永豐清額欠有民挈妻迎拜車下者問故則向有土豪欲奪民妻訟諸官會斷歸民至是生男女各一故尸祝不忘云

案此傳作順治八年任職官表乃作七年任互異存疑

鄧秉恒字忍菴聊城人進士順治十三年任永豐知縣釐奸剔蠹發伏如神山寇盤踞率鄉勇蕩平之建復恩江橋民稱便吉郡食廣鹽鼎革後鹽不行而課存秉恒內召疏免廣課闔郡德之

馮肇楠字木伯會稽人進士康熙三年知永豐縣寧都蓮花峯盜擁眾負險諸縣患之肇楠單騎詣賊營格以至誠賊眾羅拜就撫尋被議免官去

高可極字爾建潛山人康熙間任永豐令甫下車即請食鹽免充廣餉捐買馬不起民夫出已俸建歐陽修祠以老病去任士民焚香泣送

以上通志

李徵泰字晦修山東長山人進士康熙六年令永豐始至即於內堂書盟心如水執法如山入字豪猾憚之時南寇未靖招徠之兵令就州縣屯墾至則強占民田民屏息莫敢與爭徵泰力請於大吏撤去在事四載囊蠹蕭然卒於官縣人建遺愛祠

魏繼樵字靜齋北直通州人康熙十三年由教諭陞永豐令寬厚仁慈牧民禮士下車數月政治一新明年府城

為賊將韓大任所踞繼檣單騎趨吉水會師螺山與知府龔其裕畫策禦之賊乃不敢東向逾年恢復府城

李巽臣金壇人康熙二十年補永豐令撫民如子縣中田畝難開墾者極力為民請命尤加意造士值干戈甫定向學者少巽臣力振興之以上盧志

鄭啟字西崖四川廣安人舉人康熙四十四年知永豐縣倡修六一橋龍蟠洲鐘樓捐俸買東源路佃田以飲恩江書院廩餼又購留屯田為修葺費解組歸縣人立去思碑

王坦直隸人進士康熙五十五年知永豐縣博學多才長於吏治新學宮修縣志民稱文吏焉

趙憲清建水人舉人雍正十一年任永豐知縣時大水漂沒廬舍百姓流亡憲清招撫之為請緩徵全活者多學宮圯捐俸修葺縣人立去思碑

江伍圖沔陽舉人乾隆十年知永豐法令嚴明奸宄匿跡移建學宮於感應坊規制煥然一新

黨兆熊陝西華州人進士乾隆三十年任永豐知縣催科不擾民懷其德恩江書院久圯力新之並增膏資士人至今稱頌

張德馨直隸人舉人乾隆四十五年知永豐為政寬平修學宮傍河堤建火神廟修復鐘樓皆其首倡

李咸一直隸西平人舉人乾隆四十九年知永豐振興文

教書院課卷詳爲規示學宮歲久剝蝕捐俸倡修煥然一新

李中孚字春山鄱陽人舉人乾隆間任永豐訓導博覽羣書課士文行交易勗主講恩汪書院多所造就其族人李士英時任永豐教諭亦能以質厚型士惜在任未久卒李金臺河南夏邑人進士嘉慶十一年知永豐縣愷悌慈祥遇訟立判決捐廉課士倡修文廟考棚多惠政陳徵芝閩縣人嘉慶二十三年以進士知永豐二十五年大旱禾盡枯詳請緩征以甦民困馭胥吏以嚴痛懲許訟羅織者囹圄常空崇聖祠關帝廟城南門鐘樓皆捐廉倡修

畢光榮昆明人進士道光二年知永豐慎守法紀釐剔諸弊政四境安然歲旱禱五嶽山甘霖立沛士民歡忭馮詢番禺人進士道光十八年選授永豐知縣爲政務大體倡建五鄉義倉又建求志書院清釐恩江書院田畝凡鄉塾義學無不培植於歐陽文忠故里文儒書院尤篤接人和而風裁峻整訟獄立判案牘不留調任浮梁累官知府

林燕典文昌人進士道光二十九年知永豐不事苛察而能使民無遁情在任數年修學宮城垣河堤祠廟善政良多

賀恩霈丹徒人道光元年任永豐縣丞五年大飢以賑濟

事幾釀大獄恩霈百端解慰民賴以安以上據縣志新增

安福名宦

漢

劉陵為安成縣長先是境內多虎民患之多徙他郡陵至

修政月餘虎皆出境流民復還明一統志

吳礪為安成縣長孫權使呂岱取長沙礪據縣以拒權遣

魯肅攻圍之礪突出曰礪受命天子為長知有漢而不

知有吳也通志 盧志業云謝志劉陵吳礪均編入三國吳攷呂岱攻長沙時漢獻帝尚存且吳礪拒吳云知有漢不知有吳自不應編入吳况安成縣後改為安成郡始屬吳是安成為漢縣尤不應編入三國特為更正

唐

劉像字攸震寶應中盧志職官表作元和為安福令壹意愛民民立

廟祀之在今縣城中據縣志摘王德新碑記補

楊彥伯新淦人唐末為安福令多惠政招撫逋亡境內安

堵有牛產六犢蓮一莖四房之瑞先是彥伯方七歲應

童子科昭宗召試之應對詳雅顧謂左右曰劉晏之徒

也製詩賜之盧志

宋

林積字公濟福建尤溪人慶歷進士由循州判改令安福

建學聚徒親為訓督時有張嗣宗者煽妖術惑世積收

繫之以聞妖遂息嘉祐元年秋旱積率吏民禱於石屋

雨隨至仕終河南轉運使通志

黃中庸雙井人三字據安福志補至和二年安福久任洞悉利

弊治平元年於邑之七里山築陂瀦瀘水曰寅陂臂發

支分溉田萬三千畝歲久陂廢官失其籍大姓專之民

失利趙師日紹興間為丞既徙建廟學復盡搜寅陂古

跡修復之是歲適大旱惟陂水所溉田苗不槁王庭珪

為作寅陂行併叙其事盧志

李康成元豐初為安福令修學舍集諸生講業黃庭堅令

泰和作詩寄之有孝慈民父母虎去蝗退飛之句

韓邦光歛縣人紹興元年為安福令軫民疾苦興利剔弊

王庭珪暨太守王洋皆稱其廉以上通志

彭龜年字子壽清江人乾道五年進士第由宜春尉遷安

福丞操持端方多惠政後為起居舍人論韓侂胄罷職

復起寶謨閣學士參宋史萬歷府志 案舊志作瀆 熙進士且失其字今據史補訂

李謙贛人淳熙中為安福尉悉心撫字會歲稔勸富民出

粟賑濟獲巨盜辭不受賞周必大稱其廉介薦於朝

彭忠泰鄱陽人彭汝礪之後為安福縣丞有惠政縣人德

之遂留家於鐵鞋巷以上盧志

元

王德貞至正間為安福知州治州六年清介不苟視官事

如家事既去縣人贈之詩稱其操守

謝良仲安福州人以薦攝安福州事起於本州輿情難極

良仲以不貪為寶一意撫循咸稱其善

解子元字貞我吉水人至正間為安福州判賊寇境集兵保障誓與城為存亡兵敗見執子元罵賊不屈死之所糾義士羅啟南姜天祐亦力戰死

熊提領南昌人不詳其名至正間為安福幕佐以廉能著聲清版籍均賦役邊抑胥吏民困以蘇

張集濟南人至正間為安福洋澤總管恬淡無欲廉靜有守恂恂然儒者以上盧志

楊子遠本州人至正間任州同饒賊入寇遠力戰死之縣採志據叢錄補案安福元名宦王良已詳統轄名宦故不重錄

明姜明建寧人吳元年知安福州修學舍葺廨宇規制一新廉聲大著盧志

潘樞字景岳鄱陽人吳元年為安福州判清介絕俗一塵不染時官兵初下本州樞言於主將得所掠男女千人

分置空舍飼以糜粥俱遣還家並與知州姜明同心撫集庶務畢舉參一統志盧志安福志案潘樞潘景岳銘及李時勉潘氏祠堂記俱云樞字景岳併為一傳今從之

侯志健建寧人洪武元年知安福州首重儒術興修學校誘進賢士身先表率由是皆鼓舞向學

孫鐸字文振天台人洪武四年知安福縣先是知州姜明

侯志健相繼修學草創未備鐸下車尊禮先聖即購材

鳩工興修增建規制大備

鄺子輔宜章人永樂中任安福知縣廉謹有守子瑩任陝西副使嘗以一葛寄輔輔貽書曰汝掌一方刑名未能洗冤澤物何故以物汚我耶以葛還之

王昇漳州人永樂間知安福重學校敦禮讓爲治多惠政擢評事去漳州志稱其孝友慈惠有古良吏風

王忱河南人永樂間爲安福主簿操守狷介時年方冠卓然樹立遷華亭丞

趙敏寧海人永樂末知安福公正廉明時互訐風盛獄至累歲不能決敏白上官罷其株連者案牘爲清治尚德化好鬪者重懲之謹厚者優待之民翕然向風卒葬於

縣子孫遂家焉

以上盧志 盧志案云林志載敏知安福縣定民戶高下爲科差量地里遠近

約賦稅察料物輕重受納價

何澄四川人正統間知安福廉靜愷悌嘗修築寅陂浚渠灌田民享其利

莊典揭陽人進士宏治間知安福操履端潔政先大綱事必手記以次第行之不假吏手義所必行直前無忌士大夫不敢干以私尤加意學校訓士子以道義祀名宦

以上通志

李如圭湖廣澧州人進士宏治間爲安福令鋤暴安良民之獷悍而猾健者一治以猛由是奸民斂迹先是田賦之籍漫漶不理貧者苦於虛懸而富連阡陌仍籍畸零如圭爲稱其丁糧升降之民甚聳躍歷官戶部尚書

通志

周廷徵麻城人宏治間署安福教諭方正自持課士所拔皆雋士新進來見左右謂其無贄廷徵曰相見用贄古禮也必索贄而見非予志也其行已教人惟以道義相

尚陞御史終副使

盧志

吳景南陵人宏治末知安福縣明敏公廉折獄不喜用鉤距曰吾自以詐而欺民不詐可乎胥吏日悚息惟恐戾於法悍民據山洞片紙疏名攝之必立至上官下縣事有不便於民則堅持之擢金華同知

通志

孫懋鄞縣人嘉靖間知安福縣治民如家人父子民得輸其情而訟自息奉身儉薄重學校維士風歷任應天府尹

程文德永康人嘉靖間以編修謫海南典史移知安福民以事至庭諄諄開導修行鄉約選父老之賢者為之長人競自奮創復古書院集博士弟子講學其中尋陞兵部郎中

李一瀚仙居人嘉靖間知安福平易近人有訐訟者委曲曉譬之得其平乃已自奉菲薄衣食簡略及治民事則精詳備至吏不得施其技凡所興除民皆便之

孫良弼京山人嘉靖間為安福丞清廉不苟篤實無偽正士接見必具酒食款之陞知縣去

楊仲金蘄州人嘉靖間為安福教諭事母至孝課士極誠貧而有行者捐俸助之母卒任所仲金哀毀骨立既去

諸生評論人物必以仲金爲取法

朱勳滁州人嘉靖間爲安福訓導學有淵源訓士懇切期

以實踐學使重其學品聘主白鹿講席歷任泉州教授

陳惟直四川人嘉靖間知安福折獄精明庭無留牘嘗勸

富民出粟二萬石有奇置社倉於各鄉邑人稱爲良吏

胡淳字原判無錫人進士隆慶間知安福清約如寒士治

民仁恕推獄平允有黠盜數爲民患廉得其情檄捕得

之立寘重典增益社倉歲祲咸受其利民追念建倉之

始輒稱陳胡

又見永豐名宦

王鳴鳳姚安人嘉靖間爲安福丞嘗行阡陌勸民修古寅

陂捐俸爲倡置常平倉民歡趨之陞知縣去

以上盧志

閔世翔字仲升烏程人進士萬歷間知安福縣性坦率不

設城府會歲饑躬詣賑濟勸率富民出粟又時方丈田

慮縣賦漫漶吏得影射任儒士有學行者主之老吏束

手至爲蜚語憾之終不動賦賴以清陞南京工部主事

去

浙江通志

吳應明字以誠歙縣人萬歷十四年進士知安福葺復古

書院會諸生講學邑三被荒災拊恤捐賑在邑著有教

養錄從先錄荒政要錄旣去邑人祀之仕至太常少卿

楊廷筠字淇園仁和人進士萬歷間爲安福令緩催科均

徭役尤加意學校月課歲試獎進不倦入覲還時苦久

旱廷筠兼程至雨亦隨降父老歡呼稱爲仁侯雨

以上盧志

夏九鼎嘉善人進士萬歷間任安福縣一言一動皆密有疏記撫民如子待士以禮不可干以私時稱為夏鐵耳

通志

陳保泰字自公福建惠安人進士萬歷間知安福初下車問民疾苦剔蠹弊嚴盜禁吏民安堵造士甄陶不懈擢廣東道御史

盧志

李樹敏揚州人萬歷間為安福丞始至部使者督行田甚迫樹敏自治食具不煩民一饌會計精覈攝縣事奸民乘隙結訟敏獨持簡靜有餽送悉卻不受縣北境方虎患敏為文牒城隍神驅虎虎遂斂戢後卒於官貧無以殮百姓醵錢助之

通志

高賚明廣東人進士天啟間知安福時魏璫毀天下書院建生祠縣有復古復禮諸書院皆在毀中賚明日書院祀王湛鄒諸賢守仁學問事功在天下若水為粵儒宗守益為安福理學開先毀之則得罪名教寧死不敢為諸書院由是得存

參通志

陳昂虞字鉉聞湖廣應城人崇禎進士知安福清慎明敏平易近人士民愛之陞廣西道御史縣人祀焉

盧志

盧志案云安福名宦危嶽劉廷賓邵夢河三人均係府秩署縣事已見府名宦傳中故不重錄

國朝

趙世猷順天人順治初知安福時罹兵燹人心未定世猷至捐去一切文法與民休息四年大饑石米七金多方

拯救全活甚眾游兵入境搶掠世猷力戢之

通志

蕭恒字月如陝西三原人順治間以進士知安福田被水

衝沙塞多虛糧力請直指題減千餘石

以上通志

袁時泰富平人順治間為安福知縣時當草創規制未備

泰首葺學宮次及安積倉愛民好士政簡刑清遂定治

縣規模

盧志

焦榮字荆巖河南新野人順治十二年進士知安福時縣

多積盜榮緝訪得之悉寘於法盜乃息縣舊無志榮本

安福叢錄福乘藏稿兩書捐俸修之尋擢御史去縣人

祠焉

通志

張召南字仲文朝邑人順治進士知安福西鄙阻遠民抗

不供役乃單騎往諭咸感泣輸賦吳逆偽將出江西陷

安福召南請制府兵復之時議分滿兵駐安福召南力

陳不可後以職事赴會城賊突至城復陷立馳歸集鄉

勇臨城賊遁城再復招撫瘡痍馴服頑梗勸諭開墾散

給牛種得田二千餘頃內擢未任卒

陝西通志

趙世功字山公奉天人康熙間知安福催科不擾聽訟廉

明戢豪強安良善利興害除

李克廣字巨公河南柘城人康熙間為安福令慈祥愷悌

審丁免派徵省民間公私費後例變民困益頌克廣不

忘

盧志案云安福名宦劉廷瑛康熙間由盧陵令署安福已見盧陵名宦不重編

梁學源廣東順德人進士知安福甫下車即有文誓城隍

廟時大饑多方賑濟又連年虎亂亦以文告城隍神虎患遂息縣民逋賦纍纍學源心勞撫字而政拙催科坐是解任去著有宦遊贖囊

鄧霽萍鄉人康熙二十六年副貢任安福訓導其父嗣禹亦選吉水父子同郡為儒官霽至孝訓諸生悉以父所教者教之嗣禹研究陳氏易霽更以史證經未幾以憂去後有教諭陳士埏者亦萍鄉舉人即先世號陳氏易者也向與霽相師友講易先後官安福其教諸生亦如霽尤精制藝與諸生論學先器識而後文藝諸生以制藝就質悉繩以法度多所成就請老歸

以上盧志

顧鵬浙江進士康熙間知安福縣廉慈惠愛作育人才卒於任士民哀慕之為立顧公書

張崇樸山西介休人雍正九年知縣事為政一本誠心胥吏侮法者痛懲之豁虛糧建學舍凡諸利害力為興除縣人德之

程光鄂字暨南湖北孝感人進士乾隆八年任縣事專意撫字折獄明決喜造就人才歷官十年諸廢並舉人不

敢干以私遷知寧州尹廷賓字玉友直隸人進士乾隆二十年知安福縣蒞政勤敏每月親課諸生捐廉厚獎又重新學宮補葺城垣修理安積倉以任滿調去

李慧字鏡遠玉田縣人舉人乾隆三十五年任縣事待士

民以寬馭胥吏以嚴明年夏山水暴漲民間田廬衝塌無算慧力請賤卹又倡修學宮及鳳林寅陂聚仙等橋比去士民遮道祖餞感頌不忘

廖葵湖口人舉人乾隆五十四年任安福訓導月課諸生必勗以端品勵學嘗採輯縣中遺事著退居編以資考

核

朱侗四川興文縣舉人嘉慶二十四年知安福縣聽訟明

允嚴緝盜賊連斃積惡數人境內肅然尤重士月課復

古書院捐廉優獎縣人至今頌之以上據縣志新增

龍泉名宦

南唐

李孟俊隆興人保太元年以泰和什善鎮為龍泉場命孟

俊知場事時諸鎮爭雄孟俊在鎮內綏外禦百姓安之廬志

宋

何嗣昌字紹宗蘇州人進士明道二年以寺丞出為龍泉

令縣治為舊場地形勢汙下城亦卑隘嗣昌乃卜水北

桐木塢築城遷治併創建遂江浮橋修禾蜀鄉梅陂水

利民至今被其澤參通志縣志

陸若濟字邦美金谿人進士皇祐間宰龍泉清介絕俗秩

滿其妻詆之曰君不取一錢行道之人皆談清德今解

官亦載一清舟歸耶若濟曰是非汝所知也人高其操

王繹字誠季宋城人元豐五年任龍泉令培善化悍清訟
獄平賦役重創遂江橋

黃大臨字元明分寧人庭堅兄元豐間由萍鄉徙龍泉令
或諷其過慈大臨曰字民令職也豈其操三尺與百姓
讐敵哉正直自持私謁不入提舉亦折節下之

陳秉文宣和六年知龍泉縣時遂江浮橋圯秉文重新之
縣人名曰陳公橋

趙迪之字順甫政和進士建炎二年知龍泉時羣盜蜂起
迪之築廢壘為寨鳩眾入保召募材武之士團結捍禦
虔寇邱權奄至相望一水間竟不敢犯後以秩滿去民

為建生祠

王徽字次猷臨川人紹興四年宰龍泉當羣盜焚掠後居
僧寺招集流亡興創縣堂吏舍以安民心四野骨骸暴
露命僧為叢塚瘞之餘寇蕭和等時出剽掠徽悉招降
李準字平一建昌軍人紹興八年為龍泉令虔吉諸盜連
年剽掠四境倉皇準下車即訓練鄉勇守禦賊黨李毒
龍來劫城準力逐之倡議修葺學宮甫及數楹以病去
蘇欽字伯承溫陵人紹興間為龍泉令撫字百姓清理庶
獄一切興修首先學校士民德之

楊亮紹興間令龍泉耿介明敏事無留滯待人寬恕有良
吏風重創遂江浮橋

劉昌士紹興人紹興間為龍泉尉縣胥吏素強橫遇事索金未遂必中以深文昌士廉得其實言於縣窮其奸狀按治無遺

胡敦詩字觀正靖安人進士紹興間知龍泉清介自守興學造士趙汝愚稱之曰持身冰潔不以富貴縈懷真學問中人

以上盧志

張大經字彥文南城人紹興十五年中進士第宰龍泉多善政訟獄平情催科不擾時江淮軍興凡所須金革羽箭之屬調度有方不以累民眾心感激皆先期以應諸司列薦賜對便殿

參宋史及舊志

夏穎達德興人隆興二年知龍泉歲大饑郡守迎合轉運

使意不以災聞穎達因悉取民訴災狀通報卒得賑恤

移知清流縣

范德念字伯榮建安人乾道三年為龍泉主簿少從其舅

胡安國講學砥行立名在任不卑其官務行其志平訟

獄拙催科興修水利民受其惠

趙荆字夢授高涼人乾道五年知龍泉縣慕前尹陸若濟

德政建師陸堂廉幹明敏懲創奸吏一時豪右斂跡

范德勤字光仲豐城人淳熙元年知龍泉強幹精密發奸

奇中茶寇賴文政犯境官軍進討德勤內給餽餉外圖

備禦卒保萬全

黃筭淳熙二年以龍泉主簿攝縣事葺學舍廣學田修大

豐陂立倉儲平糶糶既去民謳思之

趙善稼字雲甫臨安人紹熙五年知龍泉精明著聲有盜繫獄善稼鞫之非真以其冤白於州州不以為然後獲

真盜始服其明

景時字秀發華亭人慶元三年知龍泉承水沴之餘一意撫循催科不迫修學校建譙樓及縣倉嘗曰吾於政事無以踰人惟不擾二字終身守之以上盧志

郭應祥字承禧臨江人嘉定四年為龍泉令葺學宮創號舍選縣之俊秀肄業其中置田以資膳縣有學田始此折獄明決案無留牘

李大訓字君序廬州人嘉定間宰龍泉寇患甫平民多失

所大訓力蘇窮困寧人息事囹圄一空

劉必端字友直建寧人嘉定八年為龍泉令創社倉置貢士莊請免學田租稅士民竝受其惠

楊大異字同伯家醴陵從胡宏受春秋登嘉定十三年進士第調龍泉尉攝邑令山寇剽掠入境大異糾集鄉勇

與寇疊戰於東坑雩田寇懼而遁邑大疫延良醫治藥以濟又置抵當庫儲公費有事夫役不擾而辦歲饑提

刑司遣吏和糶米二萬石於邑米價頓增民乏食大異即以提刑司所糶者如價發糶民甚德之提刑趙與篋

大怒摭其罪弗得坐以方命移安遠尉以諭降峒寇功

遷吉州戶曹

參宋史以舊志案舊志本傳作字同叔紹定元年為龍泉尉與史稍異今從史又

於球饑事及攝邑令遷吉州戶曹皆未載
今據史補錄并補列名府職官與龍泉令

王濤字伯山衡州人淳祐元年令龍泉時縣城多圯久未
繕治濤修築之併濬深濠池事訖而民不勞

何萬選字子淵長沙人淳祐間知龍泉清廉惠民修大豐
陂以興水利賦稅聽民自納無追呼之擾

熊大經字仲常豐城人寶祐間知龍泉廉明慈惠常單騎
巡行阡陌詢民疾苦以誠感人徭役百姓應期而集後
擢去民號泣罷市數日

陳昇字東升福州人開慶元年知龍泉建大成殿增學田
南寇犯境督民力戰於新林又連捷於禾源自是寇不
敢犯

辛應字子定饒州人景定間令龍泉清介持躬勵精圖治
凡事有始終無或稍弛丞相文天祥跋其行狀

何安世字景仁聞州人咸淳二年為龍泉令勤於吏事秋
江水泛漲壞民居多溺死安世力請於郡減苗租以優
上戶諭上戶減田租以恤貧民
以上盧志

元
彭繼炎龍泉人至元間以平寇功陞本縣尹歸附之初民
心未固徵糧輸役率族人先之故民不威而從卒祀名
宦子雲龍以廕補武林主簿

胡可詩字詩庭廬陵人胡銓五世孫延祐二年為龍泉教
諭縣有學田久為天寶桑林兩寺豪僧所踞可詩倡議

清復適監縣伯顏主簿胡淀並加意學校按籍清復歲收其租養士

劉鼎字子鉉廬陵人至正四年任龍泉教諭課士有方師範嚴肅多士共相矜式以上廬志

明

高德賢字起巖汝寧人明初知龍泉兵後歲饑募富民出粟設東西二坊賑活數千人新公廨修學舍增廣生徒身訓督之

張時勉

一作時敏

字天祿山東人洪武初為龍泉主簿招集流

散撫綏得所修葺文廟培植儒林為明初賢佐

以上廬志

謝子木温州人洪武間令龍泉虔寇蟠結每來寇境子木

集眾勦滅民獲安寧均賦役勸稼穡縣以大裕

通志

吳瓌侯官人洪武末知龍泉振興學校勸課農桑視民疾苦如身家事

孫誠太平人永樂初令龍泉為政知大體首修學校橋梁圯者皆修復之募民開墾地利士民並沐其休

以上廬志

陳義宜賓人宣德入年知龍泉以廉潔稱民有饋魚者斥

不受曰此何為至於我哉楊士奇大書廉明二字以嘉之

參通志廬志

方玘字體行莆田人貢士景泰元年為龍泉教諭謹厚端重不妄言笑研求正學嘗教學者潛心通書曰聖賢門戶盡在於此著有易經解疑

高嵩廣西人進士宏治間爲龍泉教諭講學以明理致知
爲務諸生不務實學專事科舉者必痛切言之歷官太
僕寺卿

姜學夔字一臣嘉興人進士成化間知龍泉清約如寒士
治民多平恕有評訟者善言委曲曉譬之一蔬取諸市
必平價直以官價二字爲官蠹

歐禮郴州人貢士嘉靖間令龍泉悉心民間利弊凡所興
除率多惠政時濟川橋久廢民艱於涉禮捐俸倡建

翁溥字德洪諸暨人進士嘉靖初以吏科給事中謫龍泉
縣丞修大豐新豐二陂興學校集縣之俊士講學嘗攝
廬陵縣令多善政累官江西巡撫

張嘉興臨桂人貢士萬歷初知龍泉廉介公正得吏屏跡
豪惡潛踪凡利害之切於民者毅然任之卒於官

陳入元長壽人貢生萬歷間知龍泉勤敏精慎嚴約束胥
催科不擾訟獄平情時有吏書不上堂皂快不下鄉之
謠

徐士登字德懋豐城人貢士萬歷間爲龍泉教諭崇尚躬
修耻言利祿倡修文廟櫺星門郡守重其學品聘主白
鷺書院教事晉接諸生禮讓必謹立學規絕干謁士夫
翕然慕之

王建和字乾純海鹽人進士萬歷末知龍泉興修學校簡
拔英俊就各都里立鄉約縣漕征解累民改爲官征官

解又定糧差合徵之法積弊盡除縣人蔡文詔傳其事
 王揚金字貴南貴池人貢生天啟初令龍泉發奸摘伏胥
 吏畏之如神性至孝每蒞事出入必冠帶告母為政胥
 本愛民既去民建亭立石記之

宋運昌江南人進士崇禎初知龍泉粵賊將趨龍泉運昌
 預設方略繕城濬濠集鄉勇數百人教以戰守之方逆
 探賊所從入路斬木累石以塞之又嚴守山之四隧隧
 各置戍百人賊不敢至一縣獲全

劉汝諤字五熏吳縣人貢士崇禎間知龍泉民素苦書吏
 增損錢糧諤至糧冊悉歸內署書吏不敢為奸遇事立
 斷嚴懲訟師蠹役蒞任五載政治一清以上盧志

國朝

薛世瑞字執躬范縣人順治三年授龍泉令時吉安甫平
 不軌之徒多竄身營伍肆掠環城十餘里燒燬殆盡世
 瑞日往來諸營民被掠者輒救出之力請緩徵以甦民
 困五年遇寇變又值大饑世瑞拊循備至夜乃一食其
 清操愛民如此通志

石曜字麗躔永年人進士順治十五年知龍泉政尚簡靜
 與民休息兵燹後田畝無稽曜清釐冊籍令士民自相
 磨對吏胥不能施其技倡議重葺學宮規制一新並修
 浮橋民資利涉

趙嗣抃字又獻大嵩衛人貢士康熙間兩任龍泉令前後

治縣十五年恤民艱苦振興庠序運軍攀累民戶抅爲
條辨以杜其害捐俸重葺學宮修浮橋建固橋菴重新
五峯書院置義學田租以贍師生自康熙十四年兵燹
後造就人才撫綏百姓厥功甚偉

盧夔龍字雲翼瀘溪人歲貢康熙間爲龍泉教諭時值寇
亂學宮圯廢夔龍捐俸倡修殿廡齋舍煥然改觀集多
士講求經義諸生有爲賊羈脫歸者夔龍察其無他爲
力白於學使昭雪之

趙世麟字振公奉天鑲紅旗人康熙間知龍泉嚴正清介
奸蠹斂跡苞苴悉絕四十三年饑世麟給資招商赴省
告糴得米聯檣官役阻運世麟星夜馳詣撫軍乞假令

督米民慶更生

黃宏任仁和人康熙間知龍泉慈和坦易不事刑威待士
以禮寒畯多荷裁成農田水利如虎潭大豐等陂塘皆
身親督濬之

王卓字立齋蒲城人貢士雍正五年知龍泉吏胥工壅蔽
卓至廉得數渠猾立寘之法時上官檄下查墾欲取盈
卓以無可增益報軍丁王郭朋多攀累民戶卓稽前尹
趙嗣抅成案辨駁益堅在任五年以清廉著聲

董希聖字思齊紹興人雍正六年任龍泉北鄉巡檢博雅
好古公暇每作詩輒百韻臨事有才識誠能感人北鄉
武陵壠峭巖欹徑下臨深淵希聖捐俸倡率伐石闢爲

坦途安福縣西鄉多逋賦上官廉其能檄之往希聖開誠諭義不一月積逋一清以上盧志

杜一鴻字西田江陰人進士乾隆四十四年由信豐知縣調任龍泉興廢舉墜勇於任事如倡捐田租以贍五峯書院膏資修南北兩陂以溉田畝重纂龍泉縣志至今人謳思之

李培緒字畚齋直隸人進士道光六年任龍泉適歲饑發倉穀以賑又為勸輸接濟建雲溪鄉學於書院加意培植士皆賴其造就

楊振綱字立之四川人進士道光十年知龍泉振興文教愛民重士以廉介稱十四年歲饑倡捐賑濟民以安堵

林懋勳字鼎甫四川人拔貢道光十八年任龍泉精吏治躬行廉儉為士民倡遇勘驗輕騎減從不以擾民於試

士尤稱公明云以上據縣志新增

萬安名宦

宋

許浹熙寧間知萬安時縣治新建浹畫疆界創公署建學校扼姦戢欺釐革諸弊郭師元撫其實作許公十政詩

刻石以傳參明一統志

李唐傑建炎間令萬安時金兵熾犯江浙羣盜蜂起傑倡

義募勇士積糧糗設土軍維舟截江巡行捍禦戒令嚴肅賊不敢犯通志案盧志及縣志皆作李唐傑通志作唐傑無李字當係脫誤

趙成之紹興初知萬安縣時寇盜未靖游兵四出成之築城浚池立門設禁以為防禦治近大江造新舟以濟渡民不病涉省刑禁備荒穀惠民之政次第興舉縣大治張澹古紹興中為萬安令修治學校振興儒林性廉介故自以澹古名常以受金速謗為戒邵時卿紹興中知萬安有山寇壓境時卿作檄諭之寇曰此令誠長者引兵去時有語曰邵公一檄弭賊神策威不在兵勝惟於德

張允升紹興間任萬安令寬大為政守正不阿嘗曰殺人以媚人刑人以利己我不忍為也以上盧志劉清之臨江人登紹興二十七年進士第調萬安縣丞時

江右大祲郡檄視旱徒步阡陌親與民接凡所蠲除具得其實州議減常平米直清之曰此惠不過三十里內耳外鄉遠民勢豈能來老幼疾患之人必有餒死者乃請均境內之地為八俾有粟者分賑其鄉官為之主規畫防閑民甚賴之帥龔茂良以掾荒實跡聞於朝宋史詳儒林

吳從固乾道中令萬安民有訟者從固反覆勸諭之民感泣不願終訟

黃東慶元初令萬安縣除苛政省嚴刑教人懇摯視民猶子不踰年人多感化

趙師道慶元四年知萬安崇尚文教以禮讓為本常語民

曰刑以止暴不得已而用之予甚不忍吾民受刑也舊學卑陋改遷於雲岡夫子廟址合廟學於一建明倫堂集諸生講學其中治縣十年慈祥愷悌稱循吏

鮑粹然嘉定元年令萬安勤恤民隱飲人以醇人稱粹然治縣不愧其名

黃炳嘉熙間為萬安令會峒丁反炳鳩兵守備忽五更報寇至炳遣兵迎敵眾曰枵腹奈何炳曰第速行飯至矣乃率吏沿市呼曰知縣買飯時晨炊方熟厚予其直於是兵飽食一鼓破賊尋以功擢知撫州以上盧志

明

張嗣先吳元年為萬安令時縣境分據民志靡定嗣先悉

心撫恤招集保聚課農桑重禮義四境安堵

盧志 盧志案云自

許浹以下十二傳秩官表內里居並失載

馮勝字仲文淮西人洪武初知萬安剛明果斷時龍泉盜

彭舉黨聚險要命勝率贛軍捕治之又招諭殘民開墾

田野建學造士凡祀神壇壝以次一新

趙彥剛福建人洪武間知萬安縣廉靜簡約興學勸農均

賦役革吏蠹民訟盈庭立剖決之縣西南寇起親征撫

諭迄不為患民賴以安去任惟兩徹篋而已以上通志

萬鵬舉鎮江人洪武間為萬安縣丞廉平勤敏有豪民劉

仲賢殺鄒君瑞父子五人匿其屍鄒姬執牒訴諸縣以

無屍證弗錄鵬舉察其寃錄之俄有五蜂聚案如訴即

導往劉舍飛集竹坡劇之四屍如生惟失一孩童屍蜂復環繞導至榆木下發土得之首猶可識乃具獄斬劉

於市

豫章書

劉燦浙江人洪武間為萬安丞攝縣事洧滌民瘼凡有勾

攝以一木牌疏其各無不至者曲直得情獄無冤民

通志

唐棐字伯忱永豐人洪武中任萬安訓導淡泊寡營訓迪

諸生凡寒士來學者資助之多所成就後召入翰林

黃須字用之福州人永樂中任萬安教諭尚廉耻善誘掖

謹學宗朱子必反求於己不以記誦為功士風翕然不

變又創先賢祠表章正學接引後進

杜愷字彥和武邑人宣德間知萬安為政簡易以德化人

學宮建樂育堂集諸生講貫治縣二年輿情帖服

陶俊柳城人景泰二年任萬安丞以文學起家識見奇特

民訟舉筆斷之如神人稱為陶公判

張敬禮定海人景泰三年任萬安典史刑法無枉有盜牛

者訟數年不決敬禮以理解之盜者愧服

袁士鳳東莞人成化間知萬安廉介有為廢興墜舉繕治

學宮重修譙樓旌善亭南門橋縣有劇盜立捕寘之法

奸民相戒自戢以治行內召尋卒於南京

黃宏字德裕六合人宏治間為萬安令時虛糧累民宏措

置盡得豁除蠹役無法察實盡法以治獎許士類勉以

共砥廉隅擢戶部主事官至參議

周衝字道通宜興人宏治中任萬安訓導持身清介課士首嚴義利之辨獎勸後進成就甚多遷應城令去

桑翹常熟人正德間為萬安令時寇賊橫掠城圯未葺民思遷徙翹至撫綏有方度地形勢廣築七百餘丈學宮久被火翹建復之又置社學以教縣之俊秀山川社稷各壇及公廨橋梁無不以次修舉

以上舊志

王寯字服周洛陽人正德十二年進士除萬安知縣宸濠反長吏多奔竄寯募勇壯得死士數千人從王守仁攻復南昌宸濠解安慶圍還救至鄱陽湖兩軍相拒濠盡金帛犒死士殊死戰官兵不利寯密白守仁以小艇實葦於中擬建昌人語就賊艦乘風舉火濠兵大驚遂潰

敗焚溺死者無算濠易舟挾宮人遁寯部卒棹漁舟追執之宸濠平守仁封新建伯而寯未及叙坐他事落職世宗踐阼錄前功擢兵部主事後巡視山海關死節

摘明

史忠義本傳

劉坤壽張人嘉靖初為萬安令潔已愛民不設鉤距民以訟至必教以孝悌睦婣令所親諭解而後讞理自奉儉約革履布袍羸馬出入阡陌間每飯侑以蹲鴟率數日一肉食時有官瘦民肥之謠

王吉錢塘人嘉靖間任萬安縣丞會臺使者過縣苛擾無狀縣令震懼不前吉往謁臺使抗言曰縣令雖卑不可以非禮加使者唯謝而去

譚希恩長沙人萬歷間知萬安崇尚文教優禮師儒尤加
意寒士置田贍學先是嘉靖間知縣劉繼文歲捐膏火
至是始有學田

王慎德嘉善人進士萬歷間為萬安令守身廉潔屏絕賂
遺以寬恤下不矜明察每曰法峻則民畏法當則民愛
與其為民畏不如為民愛也上官稱為賢令

申芝芳字素公蘇州人進士知萬安為政持大體愛民禮
士如不及連歲饑荒芳施糜粥於四門遠邇皆來就食
崇尚文學振拔孤寒治縣九年士民為之建祠以上盧志

梁于浹字飲光揚州人進士崇禎間知萬安慷慨持大節
縣當倥偬兵馬絡繹措置有方山寇圍城登陴誓守城
陷于浹整衣冠拜畢投水死通志盧志案云萬安志載
數月不屈日吟詠詩文
自狀生平絕粒而死

國朝

史象晉字畫堃上元人順治進士知萬安時當順治五年
寇亂後城郭荒蕪縣無居民象晉悉力撫字民乃稍集
會山寇竊發為防禦離散之民於是復聚

李延河南人順治八年知萬安廉靜明決時大兵過境差
事絡繹延疲於供夫役署聯於門云有客頻呼馬無人
問喘牛

李如滂字澹菴高陽人進士順治十八年知萬安民逋欠
多為奸胥中飽滂洞悉其弊丈田審丁盡加釐正所遺

虛糧悉開除時縣無吏舍僦民居勞捐俸建舍以誑誤去士民廟祀之

胡樞字邕藩石門人進士康熙二年知萬安為治以敦本善俗興利除害為己任增修文廟繕治城郭及社稷山川各壇壝興復龍溪書院各社學平徭役清戶賦治津渡葺橋梁纂輯縣志嘗以公事詣郡城與守道施閏章講學於青原山

譚忠義黃陂人進士康熙十二年知萬安清廉樸儉勵精庶政嘗自署一聯云儉以養廉勤能補拙人稱為實錄馬之驊字飛穆奉天正藍旗人監生康熙十七年知萬安時縣遭土寇城池初復之驊悉心拊循肅清奸弊勸墾

荒田興修廢墜會大兵過境之驊應給無誤有悍卒擾民單騎往緝卒斂手畏避治縣九年以報最擢知穎州黃圖昌字淑岱大名人進士康熙二十五年知萬安興教

化舉廢墜繕治城垣重修學宮創建崇聖祠清復龍溪書院易額濂溪絃誦之聲遍城邑蒞治五年政績與胡

樞相配

以上盧志

唐開道貴州思南府人舉人乾隆二十七年任萬安善理民訟不輕加扑責而自得其情催科禁差擾課士如訓子弟以不應上官誅求遭譴呵憤恨死宦橐蕭然士民

爭賻之

據縣志新增

永新名宦

唐

賀憑會稽人會昌四年以著作郎任永新令有惠政秩滿

當去縣民遮留之因家焉通志

南唐

周彬禾川人烈祖禪代署諸衛巡官授大理司直以母憂

歸葬服闋詣建康以前官出宰禾川為政廉平鄉里率

化有爭訟者以理和解之秩滿縣人詣郡乞留連任七

考累遷尚書郎馬令南唐書 詳庶官

董衢酸棗人乾德間宰永新以廉平著聲善類多所汲引

任滿百姓遮道留之不得行遷殿中丞通志

李元清濠州人趨健善走能及奔馬開寶中後主以永新

與湖南鄰命元清為永新制置使每數月一託病不坐

衙微服入湖南境敵人動息皆知之累年邊障晏然先

是夏稅準貢見縉民苦之元清奏請納帛一疋折錢一

千以為定制常以便宜科率民無怨望總諸科物十餘

萬漕運入金陵以濟國用參陸馬二南唐書 案明 一統志作楊元清當有誤

陳省躬南城人射策拜永新令明察有斷民訟曲直立分

時郴衡盜入境殺傷防戍兵遺尸遍野省躬出府縉市

棺瘞之郡符下縣責其擅專省躬判郡符云開官庫使

官緝買棺木葬官軍何過之有通志 案省躬與徐鉉 同時見清異錄盧志職

官表列南唐是也此傳 乃誤列三國今移置

宋

張岐建陽人明道間知永新治獄明允吏不敢欺民有積
逋岐代補輸之通志

史應用字體之萊蕪人咸平中為永新令始至治政條目
措置咸宜前宰能得民應用不改其政一邑肅然盧志

元絳字厚之其先臨川危氏唐末曾祖仔倡據信州為楊

氏所敗奔杭州易姓曰元遂為錢塘人舉進士登第調

江寧推官攝上元令安撫使范仲淹表其才知永新縣

豪子龍聿誘少年周整飲博以技勝之計其貲折取上

腴田立券久而整母始知之訟於縣縣索券為證則母

手印存弗受又訟於州於使者擊登聞鼓皆不得直絳

至母又來訴絳視券呼謂聿曰券年月居印上是必得

周母他贖尾印而撰偽券續之耳聿駭謝即日歸整田
宋史

李先字淵宗臨潁人兌從弟起進士為虔州觀察推官攝

吉州永新令兩州俗尚訟先為辨枉直皆得其平宋史

侯彭老字思孺衡山人奎和初知永新治縣數年政績彰

聞召入為刑部郎中盧志

郭奉世字少馮新淦人大觀間為永新令時太和民苦其

令請諸上司願得奉世治其縣漕帥檄奉世往永新民

不可奉世乃寓兩縣之界兼治之明一統志

周穎建炎初為永新令惠愛浹民庭無稽訟紹興初召為

吏部員外郎

趙不愆字無咎紹興二年為永新令縣經兵亂城市為墟不愆修學廟建縣署百廢咸舉任滿去民乞留諸司以聞詔再任累官至禮部郎中

牛宏紹興人進士授永新令廉以律已惠以裕民尤尚崇文教振作庠序秩滿遷秘書丞以上盧志

張象先浚儀人紹興間知永新奉行經界法恪謹不懈永新賦有定制皆象先之力通志

施興祖烏程人紹興間為永新縣丞廉介能感人時禾山宿寇數百人嘯聚鄉城震駭興祖單騎往諭寇感其言皆散去在官不妄受一錢嘗曰居官除俸祿外皆贓也予不願以贓賈禍

尹躬字商老紹興間為本縣主簿詳庶官上盧志以

王師道字居中堯州人紹興間任永新粟傅寨巡檢沈勇敢戰遏盜於吳村射斃其酋追奔數里遇伏力戰而死立廟其地部使者以聞官其二子參宋史及舊志案舊志作師道字自得

史今從

周嗣武字功父蒲城人乾道初令永新時邑豪姓與蠹吏交通舞法縣令每為所挾制嗣武懲蠹弊盡法治之豪姓懾服歲饑有羣盜嘯聚謀劫邑嗣武白郡請兵為備下令勸富民賑粟平糶民各安堵盜亦徙去

邵朴字古民晉州人乾道八年知永新持已廉謹折獄精明無私謁無留牘以上盧志

王輝青州人嘗為栗傅砮巡檢靖康初以義兵立奇功官

至正使寓吉州淳熙二年茶陵寇犯永新州守以輝驍

勇檄禦之至勝鄉輝勇於進士卒不繼為寇所得寇欲

輝降輝憤罵死之帥司以聞贈忠州刺史與恩澤二人

立廟羅陂參宋史及舊志案舊志忠州作吉州羅陂

謝東魯居羅陂知羅陂地屬勝鄉舊志作秋陂誤也

黃希字夢得臨川人淳熙初令永新會山寇毒擾人民散

徙希撫恤備至靜以鎮之建春風堂日吟咏其間示以

無事人復故居政教大行

柴必勝錢塘人淳熙間知永新文教振興政績彰聞縣人

咸頌其德

丁南金字世用吳人紹熙元年任永新主簿佐政勤慎工

於詩公餘惟吟咏自娛與知縣柴必勝並著聲一時

張繼阮清河人慶元間任永新尉時盜興訟繁阮習法精

吏事分別末減固圍為之一空性廉儉絕私交甘淡泊

歷四考其操不渝以上盧志

范應鈴字旗叟開禧初任永新尉詳前府名宦

張洽字元德臨江之清江人少穎異從朱熹學嘉定元年

中第調松滋尉改袁州司理參軍知永新縣一日謁告

聞獄中榜笞聲蓋獄吏受財訊囚使誣服也洽大怒亟

執付獄明日上於郡黥之湖南鄰寇作亂與縣接壤民

大恐洽單車以往邑佐寓士交諫弗聽至則寇未嘗至

乃延見隅官訪利害而犒之因行安福境上結約土豪
得其歡心未幾南安舒寇將犯境知有備乃去 宋史

陳滌字洗心零陵人紹定四年知永新秉性剛直聽訟明

決人服其公嘗曰胸中空洞則事易辦論者以為名言

梅杞 一作玘嘉定二年令永新縣初為土城歲久傾頽杞曰

城衛民無城何以衛捐俸倡輸改築石城

劉炎少負詞學淳祐間為永新尉拙於逢迎專一愛民不

稍枉法適州守某有貪名行部至縣覬覦之炎不悟既

行以詩諷炎云未到桃源來長憶出家景及到桃源了

還是鑑中影卒未迎合守意守銜之被誣罷去 以上盧志

孫億字延齡分宜人進士知吉州永新縣釐剔奸弊不畏

強禦民歲市縑六萬餘疋主外計者收帑錢以償他費

給鹽以償縑直億發其奸給以帑錢吉租歲收四十萬

斛漕臣意在厚斂戒庾吏收十二以克羨餘億拒臺命

守州約出納一用倉式徙知白州卒余靖為誌墓 袁州志本

通志盧志案云孫億永新職官志失載其名令永新

年歲無考然余靖同時則慶歷元豐間人也袁州志傳

文與通志相彷彿吉水志因吉州二字誤載剛彼歸此今

案通志選舉准咸淳十年王龍澤榜有孫億注云袁州

人知永新縣然則為孫億誌墓之余靖非慶歷時之余

靖矣但咸淳止十年明年為德祐元年其年十一月元

兵下江西諸郡明年二月宋遂亡孫億咸淳十年始登

第其知永新又徙知白州諒非德祐一年內所能更歷

元

楊景行字賢可太和州人登延祐二年進士第授會昌州

判官調永新州判官奉郡府命覈民田租除剗宿弊奸欺不容細民賴焉元史 詳 庶官

張頭口至元四年為永新州同知廉介恬靜不矜名譽秩滿去一肩行李如初來時

完顏璫至元五年知永新州下車首恤民瘼察吏弊期月政化大行又修葺學宮作新士類以憂去

陳質字尚古吳興人至元中為永新州學正積學宏深誨人始終不倦言動舉止皆循循矩矱學者奉為儀型

李春字孟元桂陽人至正元年知永新州治崇大體首先風化立譚烈婦祠親往祭之人心多所激勵公餘力學

不倦有循吏風

案烏斯道撰譚節婦祠記云洪武十年建祠設主以補缺典此云元至正初立

祠丘異存疑

趙大訥字默之東陽人至正初知永新州鋤豪剔蠹不數月百廢興舉增修廟學以作士氣

陳汴至正初為永新州判清廉敏決崇儒術訟至立辨政績著聞遷守邠州

曹裕字德宏吳人貢士至正二年為永新州學正經史博通為文高古與諸生講授必先究體用之原次及文藝由是士知崇尚實學

諭立至正間為永新州學正倡明正學迪士有方凡由其門者多講究程朱之傳超然利祿外以上 盧志

明

田盛字秀實吳元年任永新知州廉介有智略時兵燹後

民多逃避盛至多方拊循與守禦千戶俞茂同心協濟

學校頽圯重建殿廡門堂規制大備併置祭器以崇祀

典民復故居士習舊業奉成新治參通志

烏斯道字繼善慈谿人洪武中被薦授石龍知縣調永新

廉靜有守民不忍欺工文章兼精書法縣士多從受經

坐事謫役定遠放還卒參明史豫章書

於仲寬黃巖人洪武間知永新南鄉龍氏聚寇為亂千戶

昕官幸捕盜為利欲盡屠之仲寬力止躬率鄉兵執盜

魁治之寇平南鄉人感德生子多以於姓為名

志載署知縣柯暹縣名宦茲不重錄

賀守約永新人洪武初為本學教諭課諸生必語以希賢

之要縣人士多傾心嚮之詳文苑

鄧經會稽人貢士永樂四年任永新訓導操行端謹學問

該洽詩古文重一時學士解縉方伯李正咸加敬禮

陳員一作元韜臨海人正統二年令永新撫字勤勞政令嚴

肅豪橫惕息士民樂業境內翕然稱治

施得中奉化人正統間任永新主簿縣多灘石艱漕運時

徵員皆得以事上聞得中奏請折輸民皆感之

徐輔字良弼崇德人景泰三年為永新教諭持已誨人一

以正誼明道為本善詩古文立言皆有根柢

薛驥字元德華亭人天順間知永新廉明公恕安貧扶弱

民之豪強者皆感化理屈者不敢飾詞訟公庭以上盧志

李愷字仲康江陵人成化間知永新縣有梅花崗民梗化

不供賦役愷單騎至崗諭以利害擇數百人詣縣克耆

吏義官人皆感服擢吉安同知湖廣通志

馬崑字克昌平湖人成化間進士令永新興利剔弊政先

大體不苛刻不沽名事無大小必曲盡人情尋陞監察

御史

曹謙姑蘇人成化間永新教諭課諸生授以經史言詩必

本性情論文必衷理道嘗纂修邑志徵文考獻搜羅不

留餘力

梅春字景魁應山人成化間永新縣丞誠心愛民每訟於

縣反復不能決者春為之剖判無不平情同子諱心

宋佳字子美鄞縣人貢士宏治間永新訓導博通典籍師

範端嚴造就後學誘掖不倦後擢太學博士通志

謝表字正邦忠州人宏治進士知永新勵精政治不畏強

禦時邑義山之南豪室恃險負固不供賦役表伐山開

道執豪室就法宣布德化自是皆爭輸恐後以上盧志

柯相字元卿貴池人正德十二年進士知永新值宸濠反

王守仁舉義討叛相集兵三千隸守仁而身居守事平

守仁叙功相辭不受江南通志

胡偉字邦奇京山人嘉靖元年知永新興學勸農儲粟賑

饑百廢咸舉縣歲賦苦虛賠民以艱輸多流亡偉疏奏

量田更籍均其賦役命下豪右咸稱不便上官多沮其議偉力持之遂定計分都制籍因賦著役不浹歲告成

轉徙者復業

以上盧志

陸燦字子餘

通志作字浚明

長洲人嘉靖五年進士選庶吉士擢

給事中以劾張璉桂萼謫貴州都鎮驛丞稍遷永新知

縣政治嚴明吏肅民畏有奸黨十數輩螫害良善廉其

人寘之法時寇煽諸境縣不逞朋起燦盡擒殲之前後

獲盜凡數百人姦猾屏跡重學校禮耆老倡鄉約士民

稱頌火之以念母乞歸母歿毀甚未終喪而卒

參明史通志

沈珠字汝淵揚州人嘉靖間令永新正直自持治尚寬厚

每決一訟杖一人羣服其公而愛其恕擢國子監丞

趙錫蘭谿人嘉靖間為永新訓導性端方矜氣節教士必

先義利之辨嘗曰學問人品關頭必先看破一利字根

基方固學者以為名言

陶益新會人嘉靖間訓導永新風度醇雅操履清潔講學

宗實踐與諸生發明陳獻章之學一洗當時講良知流

弊

陳三謨仁和人嘉靖進士知永新仁廉著聲縣有大盜捕

得之殲其巨魁聽訟剖曲直聽其自平行藍田約導民

為善置社學以教縣之子弟倣朱子崇安遺制積穀貸

貧民徭役適均催科不擾縣人立石志之

龔錫爵字汝修嘉定人萬歷進士為永新令首葺學宮凡

城堞廩庫以及忠孝節義諸祠次第修治政暇與縣士大夫纂修縣志迄今遺事可考皆資其力以上盧志

余懋衡字持國一字少原婺源人萬歷二十年進士除永新知縣初縣學遷城西南隅羣稱不善乃捐俸復建治東故址又剗明新書院講求實用之學置田贍士建崇閣於浮玉洲屹然為中流砥柱立官解法以甦民困大吏下其法江西之有官解自懋衡始徵授御史累官南

京吏部尚書

參明史通志

薛敷教字純臺武進人萬歷進士知永新持身廉潔衣食如寒士有持金進獻者揮去若浼已然縣有橋關權稅奏請罷之尤加意造士童子試卷手加批評折獄刑罰

不施分割如神縣人呼為薛青天是時主簿朱敏政佐治廉明亦有小青天之號

陳三省字一吾餘姚人貢士萬歷初知永新清慎勤敏門無私謁每昧爽視事一日黎明過民家望炊煙出即駐車慰勞曰汝能以朝起治家事家將興矣夜巡至三鼓聞書聲紡績聲皆加獎勵其赤貧者周恤之羣相感勸無敢逸豫者體恤民隱案無留牘尤樂育人材士民相親如依慈母

陳圭字玉海建安人進士萬歷間知永新禮士愛民一本誠心蒞政設施以息事寧人為本

周夢尹字莫維上虞人進士萬歷間令永新以興學造士

為先務度縣治形勝於城東建文塔明敏果決折獄能以片語得民情偽

沈維堡字心南金壇人進士萬歷間知永新縣為治廉明

課士以敦本善俗為勸勉嘗曰士為四民之首士習端

則民俗化諸生課藝手評甲乙始終無懈以上盧志

管正傳字德園蘇州人崇禎進士令永新悉心問民疾苦

力為罷革禁竿牘絕苞苴尤折節下士手自課程多所

成就至設彙封定官造歸條編毀淫祠後令猶遵之通志

閔及申字園客進士崇禎九年任永新令十年楚寇圍城

及申安撫士民晝夜登陴固守調鄉兵合城兵夾攻賊

大敗去四境以安尤好作養人才敦尚氣節

黃受封字建侯永定衛人拔貢生崇禎十六年令永新時

楚寇破湖南游兵四出受封設法捍禦會賊兵入境號

十萬受封誓以死守賊為左帥所逼遁去受封合皖虔

諸將入楚恢復長沙衡州二郡廬陵安福諸縣土孽欲

為亂聞受封還永新不敢發尋以憂去土孽復起知縣

冉世維樸滅之以上盧志

盧志案云萬歷間名宦莊祖詒已見廬陵名宦茲不重錄

國朝

黎士宏字愧曾長汀人貢士順治十一年知永新下車即

盡除苛政與民休息慎刑罰伸冤抑薄賦息訟抑叛弭

盜治甫朞月人心翕然從風興修文廟優禮校官每月

課士拔其尤者厚以膏火清屯田設為附甲帶徵之法
察坊糧為民害散編入里政暇為詩文皆有根柢以卓
異擢去縣人創講堂刻石志之

盧傳字爾昌崇安人康熙初為永新丞縣屯有糧無田軍
不能輸官為貽墊傳奉檄徵屯因悉其弊亟請清查民
田時屯糧歸縣隨民糧帶徵不兩月劃然一清不累軍
亦不累官傳之力也

何屬乾字不息廣昌人康熙間為永新訓導時當康熙十
四年寇變後瘡痍初復學宮荒蕪屬乾捐貲倡修正殿
兩廡增建啟聖祠並重新尊經閣集諸生講學建復譚
貞烈祠著又尚集表揚永新名宦鄉賢興學造士闡發

幽光

張士琦字韋齋蘇州人副貢康熙間知永新減耗除苛俾
民免積世之患擒大憝建議設兵於西鄙之阻尤好獎
士建秋山書院選縣俊秀肄業其中延臨川李紱主教
事尋以發官粟賑貸民貧者不得償被劾落職士琦素
廉介無力賄補士民感憤設櫃義助始脫然歸
張遇字予邁南城人貢士康熙間為永新教諭課諸生治
經義教以古學文藝一遵先正時知縣張士琦建秋山
書院所得才俊皆遇平日造就之士

黃述灝字次梁南昌人康熙間為永新教諭課士有方凡
所啓迪遠取近譬言之亶亶一時知名士皆出其門述

瀨才識練達當事有疑難輒就商指陳切中機要素無請託人不敢干以私縣人祀之

史榮浙江會稽人康熙間任永新典史勤於捕盜好文重儒暇與士大夫分韻唱和儵然塵表

蔡學瀨字伯樵虞城人貢士雍正五年為永新令先是胥吏冗法積欠錢糧至十餘年未清學瀨至痛懲蠹弊官不苦催科而民無逋賦縣以治稱尋擢去

徐可是字惕非南昌人歲貢雍正三年任永新訓導道範端嚴訓誨誠懇講學以敦行為先常與諸生討論朱子白鹿洞規條時教諭涂圖學富才敏可是深重之圖沒出已俸助其柩歸里

朱懷棻字易林高唐州人廩生雍正間授永新令時鄉城多刁健之徒交通書吏誑詞輿訟懷棻得其情並賓於法士有能詩文者懷棻備極推獎並教以研求經史

陸調元吳縣人監生雍正間為永新縣丞崇尚文雅應門止一書一隸遇事不留餘力暇則彈琴詠歌聲出金石

以憂去縣人祖饒僉曰在官署可設羅臨去其門如市黎芝字友蘭夾江人貢士雍正間知永新治尚寬和曲盡人情每訟必平心和氣聽之即童孺皆可伸訴曲直立剖莫能行其詐征收錢漕力行滾單法民無追呼之擾

以上
盧志

程尚贊字北涯桐川人附貢乾隆十一年宰永新發奸摘

伏洞悉秋芒豪民猾胥不敢逞會前令修志甫成爭訟盈庭縣士具揭請燬志版尚質諭解縣士因彙其批語刊為正譌錄不半載去任

陳德禹字潤中蕪湖人進士乾隆二十一年知永新前令縱胥役德禹痛懲之聽訟平允丁外艱將去有持重賂來干者德禹峻拒其操守過人類此

王章字珏堂浙江烏程人舉人嘉慶九年知永新縣清正廉明釐奸剔弊修建考棚在任九載士民懷其德不衰武穆醕字小谷河南偃師人舉人道光八年宰永新縣徵賦舊用寫券胥吏得緣為奸穆醕改用印券弊乃革捐廉倡建秀水書院至今頌之

黃汝梅字小亭湖北漢陽人同治元年宰永新剛果有為政治一新嘗以計擒斬謀亂匪首又為義圖申請徵賦定章視他圖準折之價有殺以示獎勸義圖者能遵定制夏秋二稅期限輸納毫無逋賦者也復請漕米緩一月起征以紓民力民德之惜未竟所施卒於官

以上據縣志新

永寧名宦

明

蕭文斌洪武初知永寧時兵燹後人民離散城郭荒蕪文斌悉心招集拊循有方不數月鄉城完聚卜基縣治西建文廟興學造士律身廉謹縣人祀之

潘瑾建文三年為永寧典史有操守富人接見必勸其濟貧行善事常捐已貲以活貧人

蔡然永樂初任永寧典史疏通水利資民灌溉自奉澹泊不枉一事不受一錢陞廬陵知縣縣人祀之

趙汝宜字孚先閩縣人景泰間任永寧教諭人有以外事干謁者正色拒之持已誨人必以正道多士皆相矜式

費廣字孟博合州人進士天順間知永寧振興學校激揚士類廉以守已惠以澤民人稱循吏焉

周倫字序昌錢塘人成化間任永寧教諭以正律已以道誨人多士日請益其門不敢稍干以私

馬鈺四明人宏治間知永寧廉幹通敏禁師巫毀淫祠新

學宮日聚諸生督訓之百廢悉舉縣稱大治

謝圭會稽人宏治間知永寧慈祥愷悌愛民如子修學校課諸生建縣廳築陂塘善政丕著

方坤字舊山餘杭人進士正德間知永寧時湖廣鹽筭凶流賊劫掠鄉村城市坤靜以撫之分兵防守賊知有備引去先是永寧皆土城坤請於上官易建磚城規畫曲

盡永資保障

陶膺浙江人正德間為永寧令寬厚愛民奏減加派錢糧凡事有不便於民者力除之興學校勸農桑士民均被

其澤

吳邦祐字少溪歙縣人貢士嘉靖間知永寧廉潔明敏訟

至立剖民數十里赴訊者皆朝至暮返胥吏畏之如神
會山寇劫掠邦祐率兵親勦生擒甚眾罪不赦者寘於
法餘從未減

陸時雍字幼純歸安人進士嘉靖間知永寧以清慎勤自
勵修文廟備祭器優禮校官暇則與諸生講晰經義均
徭役省刑罰勸農桑化行俗美囹圄空虛

梁爵字仲修麗水人貢士嘉靖三十二年令永寧修廢補
做優禮儒士以教化為急務士民為立循良碑

吳鉞廣東人嘉靖間任永寧教諭坦易重厚博極羣書教
諸生必先道義縣人重其學行祀之

李鳳字廷儀仁和人嘉靖間任永寧教諭以身為教訓迨

有方長於古文及門士爭效之嘗誦周子之言曰道德

本也文藝末也諸生造就多有根柢

王鑛字公範嘉靖間任永寧教諭教諸生習經史講學會

文無間寒暑性孝友內外雍睦縣人士皆敬禮之

張烈甌寧人嘉靖間任永寧訓導純雅淵博一言一動雖

造次皆有規矩課士亶亶不倦士皆肅然起敬陞岳州

通判

朱昌黃巖人嘉靖三十年任永寧典史時賊寇彭矮子率

眾三百人出劫六堡昌設計擒之四境以安又嘗疏築

陂塘利民甚溥

童世芳臨安人嘉靖間任永寧典史洗心奉職素著廉能

時城垣圯寇變不常世芳捐俸倡修民賴保障尋以憂去

李養棟貴陽人貢士隆慶二年知永寧愷悌宜民催科有式輪納稱便剔弊釐奸不少寬假尤加意學校置學田以給貧士

黃一楨同安人貢士萬歷間知永寧才識精敏誠心愛民振興學校拔其尤者肄業學宮給膏火獎拔優才生文風因之大振以左遷去

張應徵字懷泉南京人貢士萬歷間知永寧果斷公平鋤強扶弱庭無滯訟催科定四限民稱便興學育士捐卹貧窶肄業生張夢桂貧不能婚應徵愛其才爲之擇配

捐俸修廨署闕險途創郵亭便民之事皆力爲之後調任去縣人建亭勒石

徐繼芳建安人萬歷間爲永寧典史勤於供職盜息民安時知縣張應徵勵精庶務繼芳多所贊襄

張紀字沅瀾華陽人貢士萬歷間知永寧禮士撫民實心行政積社倉以備荒歉修七溪嶺以利行人與前任張應徵後先媲美縣人並勒石於亭顏曰西蜀二張

伍鳳章晉江人萬歷間任永寧教諭與諸生講學誠意懇切課藝必以先正爲程式諸生感化皆勉於學

丁學植福建人萬歷間任永寧教諭言動皆有禮法縣庭非公不至諸生有被牽累者力爲昭雪尤加意寒士每

周恤之以擢去

陸起龍上海人貢士崇禎間為永寧令以舊學宮地形非宜捐俸為倡改建城東廣學舍造就人才文風大振縣人建祠祀之

鍾鳴時崇禎間任永寧訓導日與諸生講學課業布袍脫粟自奉晏如會知縣陸起龍遷學城東鳴時力勸其事縣人並建祠祀之

謝君賜四川人崇禎間令永寧性剛正一介不取愛民如子選縣中俊秀於學宮造就之既去士民歌思不忘上以盧志

國朝

王化行山東人貢士順治四年知永寧下車問民疾苦以興化致治為己任寬刑罰省徭役禮士愛民咸依之如慈母五年寇變守死不去竟罹於難

鄒惟瓚南昌人順治間任永寧訓導時寇變初平士鮮向學惟瓚集諸生講貫察其貧者力周之扶特名教振興儒林

齊贊宸直隸人進士順治十年知永寧時山寇未靖人民逃散城市荒涼贊宸拊循流亡驅除寇盜民始復故居四境安堵

閔士樟五臺人貢生順治十六年知永寧興學造士誠求保民自順治五年寇變後學宮鞠為茂草士樟捐俸倡

建優禮師儒崇尚實學時田多侵隱租稅未均士樟履
畝親丈徵收錢糧不假胥役農安稼穡野無追呼

趙國臣揚州人順治間任永寧典史循分供職禮賢敬士
公餘惟彈琴賦詩縣人欽其雅致

倪德基江南人貢生康熙初知永寧冰清自矢釐奸剔蠹
條列利弊刊布鄉城一年吏畏民懷以望誤去

莊梯雲番禺人貢生康熙初知永寧政寬刑簡與民休息
造就人士於貧寒尤加優恤治縣九年風醕俗美重新
廨署守道施閨章爲文記其事

涂國屏南昌人康熙間任永寧訓導誨諸生講明經義尚
論古人以忠孝節義爲法值十三年寇變城陷肅衣冠

北面再拜詣聖廟展禮畢死之

楊顯宗保寧人貢生康熙十年知永寧興學育才重建明
倫堂與諸生講學十四年逆將韓大任陷府城分兵略
地寇賊蜂起顯宗集鄉兵戰守衣不解帶曉夜登城捍
禦卒罹於難

陳欲達鹽城人貢生康熙十九年知永寧時縣城初復欲
達招集流移加意撫字開墾荒蕪憐貧恤苦息奸弭訟
重新學宮倡修縣志在任三年政通人和縣稱大治

朱家印樂安人歲貢康熙十九年任永寧訓導課諸生潛
心經學抑奔競礪廉隅多士悅服

熊學麟南昌人拔貢生康熙二十二年任永寧教諭家本

世族性甘淡泊嘗曰儉則無求日與諸生講貫以砥礪廉隅爲要文教振興士心敬服

張洽字仲和膠州人進士康熙二十七年知永寧杜絕私交門無干謁革縣之陋規勒石以志運漕旗丁往往指逃軍絕戶攀累良民洽力陳上官清軍戶民戶按籍開除尤加意學校造就諸生三年以治行交薦

戴振河字開亭德清人進士康熙三十三年知永寧性喜吟咏闢小圃植竹公餘集縣中風雅士倡和其中七溪有峻嶺行旅艱難振河鑿石成坦道建茶菴於上人稱曰戴公嶺

李允芳廣昌人貢士康熙間任永寧教諭課諸生以明體達用優禮多士誠心樂育始終如一

嚴順浙江人康熙間任永寧典史潔已愛人淡泊自甘常出已貲周恤貧乏罪人可末減者力請於縣出之獄人稱其多隱德

任倫備字金壇河內人進士康熙三十八年知永寧接士臨民誠意懇摯折獄敏捷各得其平居官儉樸如寒士歷任十年士服其教民懷其惠

馮元韶字舜年祥符人康熙間任永寧升鄉巡檢持已廉介舊規盡爲革除嚴束吏役勤於巡緝盜賊遠徙

王緒俊字秀萬新建人拔貢生雍正十三年任永寧教諭課士崇尚實學以經史爲根柢暇輒杜門著書非公不

至縣庭以上盧志

吳詒澧字華川安徽桐城人進士乾隆四十八年知永寧政簡刑清精明渾厚吏民望之愛與畏俱公餘手一編不輟以卓薦去任

孫承祖字又庵浙江錢塘人道光元年宰永寧性剛果為政嚴明作十勸歌以訓俗不率教者懲之葺城垣新公廨修縣志百廢俱興碑載頌

王青熙字心潭山東人進士道光十六年任永寧知縣肅清吏治嚴御胥差聽訟能發奸摘伏民赴訟來縣者科差向串歛家訛案案未結而家已破青熙痛懲之弊遂革並捐廉資書院膏伙數月間卓著循聲以上採縣志新增

武勳附

宋

程層益字明秀歙縣人宋理宗淳祐時襲廕有大勳授總軍萬戶鎮臨江移守永豐聖嶺營伍肅然子宣字翔雲襲廕以他故謫百戶晉右武將軍戍龍泉宋亡遂失官家永豐之永寧洲盧志採羅念菴集

元

馬致遠字合穆其先世自西域徙京師以廕補官授廬陵井岡巡檢至正十二年江西盜賊蜂起奉府檄捕南嶺備烏東致遠招集吉屬諸鄉鎮與賊鏖戰斬捕甚多上功幕府監郡納速兒丁多其能辟安福判官授廬陵監

縣擢烏東萬戶府事十三年九月賊自永新踰嶺掠王
 山火淡江將近安塘致遠率眾追擊破走之十五年破
 袁寇於安福十六年復破賊分黨於永豐之羅興塘賊
 躍馬奮擊戰抵曹致遠斬以徇明日整兵復出生擒賊
 帥周昇又明日官軍四集焚其營巢拔良民之陷賊者
 慰撫之民相率立生祠於安塘

盧志採周
 霆震記

明

俞茂吳元年為永新千戶所翦除寇盜四境以寧尤崇尚
 文教與知州田盛重建學宮振興儒林立法嚴肅軍戶
 有欺凌百姓者立寘於法縣人為之歌曰田文俞武皆
 我父母

盧志

夏杙滁州人明初為安福守禦千戶屢平巨寇與民休息

繕城池新堂廨顏六奇為撰政績碑

據通志補

梁學濟南人永樂間襲永新守禦百戶膽略過人鎮泰和

白羊劫流賊犯境賊三戰三北獲賊平先楊法等斬首
 以徇學尋以眾寡不敵力盡矢窮乃大呼罵賊與兄公
 鼎僕鼎付三人被殺事聞贈官遊擊將軍廟祀死所子
 霞襲陞一級

王業字時泰興化人宣德初以父祥廕授吉安所副千戶
 十年永豐大盤山寇曾子良肆掠業生擒之以功陞正
 千戶正統十三年討平福建巨寇鄧茂七十四年浙寇
 嘯聚丁公崖業往征失援陷陣手刃數十人死之

張興宣德間以廕授吉安所百戶佐王業征撫州寇以功陞副千戶正統十三年復與王業征鄧茂七斬賊無算陞正千戶興循循雅飭若儒者然臨陣則驍勇莫敵名重一時

蔣興高郵州人吉安所百戶與張興同時佐王業剿寇斬俘甚眾陞正千戶有膽略每遇敵自期以死報國所至輒有功

劉淵吉安所百戶與張興等同佐王業討平諸寇勇敢當先以功陞本所副千戶

陳瑄世職斌之子景泰六年授龍泉百戶成化二十三年石門武平賊大掠龍泉瑄獨任守城率衛所兵力戰而

死百姓哀之爲立廟銀山塔下以祀

王莊字本端王業孫廕襲吉安所正千戶剛果練達累著戰功成化二十二年平萬安賊湯存二十三年殲承豐賊金耀宏治元年生擒梅花洞寇周天鑾二年襲滅南贛巨賊賴斑穴自是郡中晏然正德五年姚源洞寇起從都御史陳金討之出師豫章莊賦詩自勵戰多斬獲一僉事失利指揮徐麟等先遁莊罵曰朝廷養軍士用在今日顧乃爾耶戒所部直前奮力死戰賊勢將却援兵不至力殫眾潰死之越三日得其屍奮怒如生手猶作彎弓狀事聞官其子孫指揮

王應鵬吉安所指揮僉事嘉靖四十年程鄉賊掠泰和應

鵬與百戶陳策領兵禦賊俱戰死事聞立廟祀之陳策

無嗣加陞應鵬弟指揮同知以上盧志案應鵬弟通志作應鵬子

唐鼎永新守禦所千戶嘉靖四十年之亂鼎從征至泰和

寇朝里力戰矢盡為賊所害贈官二級錄其子據通志補

趙雲武昌人崇禎間湖南獻賊犯境雲自虔州撫標奉檄

助守吉安賊未至城中軍民移帑出城雲曰似此朝廷

用城池守官何為戒勿擾自登南城捍禦適東門民家

失火雲曰此奸細作為也麾家丁往救身率士卒守城

賊知有備不敢發詰日賊馳八騎由西門突入雲方地

甲守南門聞變持兩戟往鬪賊八騎并力殺之死後日

光如生戟在握不可拔事平雲養子趙忠扶櫬歸武昌

盧志案此傳盧志全本廬陵志而人物忠節傳盧志又本通志作永新人二傳互異並存疑

國朝

齊登科順治三年授龍泉營守備九年紅巾賊劉金一作京

蓋遇時王打鐵等陷龍泉登科率官兵隨參將羅應培

等勦平之

康共字明我蘇州人順治間授萬安營守備善左右身勇

略過人訓練有法為人坦白不設城府輕貨財重然諾

禮師儒多得人心歷任袁臨副將縣人立廟祀之

鄧雄字虎山大同人康熙七年任萬安營守備愛民重士

軍法嚴峻兵有侵民園蔬者犯雖小必寘於法操練士

卒以身先之兵馬糧餉一無所私每延縣中知名士諮

訪形勢利害十四年賊將韓大任陷郡城雄往援十五
年山寇竊發萬安失守雄馳歸奮力恢復叙功陞安慶

遊擊

以上
盧志

黃成章字簡齋泉州人康熙十五年萬龍山寇陷萬安城
成章奉檄提師壓境與萬安守備鄧雄會兵克復因駐
師萬安多方招撫流亡歸集十七年以成章為萬安遊
擊二十二年裁缺除均州軍正士民立碑亭以志德感
通志

李明宇明字涪州人康熙十三年以征閩寇功授吉安中
營守備十四年盧吉泰三縣賊眾負嵎蹂躪擄掠明率
精兵及鄉勇直入賊巢斬首數百級餘賊棄所掠男婦

去明乘勝進勦瀘源權擔諸砦賊破獲男婦數千令各
歸其家遂引兵鎮泰和時滇賊將韓大任陷郡城數攻
不下知府龔其裕自瑞州引兵至駐螺子山合圍明年
明單騎引步軍數百入迎恩橋夾攻殺賊數千賊氣阻
夜遁郡城乃復十七年山寇逼郡城明與知府蔣維藩
招撫之二十年擢明沅州遊擊明已卒於任盧志案云
縣志載李
明先世由吉州遷洛陽今仍家廬陵其子遇春達春俱
人太學知府蔣維藩副將色勒為營宅兆於張家渡六
祖巷右
陽山

陳平字等奇海澄人始從遵義侯討海寇歷功陞左都督
屯萬安田會康熙間三藩叛四方騷動萬安崔符亦聚
黨數千殺官吏據城郭以應平率兵攻萬安城克之斬

渠首以獻時撫建廣逼近閩浙吉安為長沙肩背官軍
 在信州饋糧不繼制府以信餉屬平平悉力挽輸往返
 無疎虞軍帥調平隨征湖南至袁州而吉安城陷乃以
 平為分宜留守彈壓吉賊又從征龍泉賊斬首無算晉
 榮祿大夫總鎮南瑞六州軍事

通志

顏斌字輔臣曲阜人復聖裔初隨豫王取維揚復從貝勒
 入闔守清漳移駐皖城援剿江西屢立戰功康熙十七
 年授龍泉營遊擊率從事金從現馬守志褚名臣呂登
 科等重建關帝廟整飭營伍惠愛百姓縣人李士琪為
 文紀其事

王師槐四川人武進士雍正五年任吉安營參將善騎射
 勇力絕倫喜讀書重文學每與郡紳士尚論古人亶亶
 不倦或叩以孫吳之書師槐曰千古兵法之祖不外一
 左傳孫吳皆在範圍中也郡人皆以名將目之師槐整
 飭營行每列一陣親躍馬引導糧餉散給公平御下恩
 威並濟時論方之羊叔子

解鳴鹿直隸人乾隆八年任吉安營參將時兵丁縱肆橫
 行市廛欺凌百姓侮慢儒士有不平赴訴者將弁為之
 袒護鳴鹿至約束有方廉得無狀者立寘於法營伍肅
 然每晝操練士卒夜則巡行街道無少休息

李顯祖直隸人乾隆間任永新營都司軍紀嚴肅兵民相
 安為人正直以忠孝自勗後陞遊擊隨征大金川亡於

陣以上
盧志

柏英字仰峰滿州人咸豐初擢吉安參將三年粵寇圍省垣檄同防勦五年冬粵寇突至吉安英與知府陳宗元率兵勇登陴固守被圍七十餘日援車不至忽地雷礮轟西門城陷賊蜂擁入英力戰死之都司馬福壽守備克什布千總謝明亮皆巷戰死

新增

吉安府志卷十四終

